

艺术典

藝術典第六百五十一卷

堪輿部彙考一

黃帝宅經 序

夫宅者乃是陰陽之樞紐人倫之軌模非夫博物明賢未能悟斯道也就此五種其最要者唯有宅法爲真祕術凡人所居無不在宅雖只大小不等陰陽有殊縱然客居一室之中亦有善惡大者大說小者小論犯者有災鎮而禍止猶藥病之效也故宅者人之本人以宅爲家居若安卽家代昌吉若不安卽門族衰微墳墓川岡竝同茲說上之軍國次及州郡縣邑下之村坊署柵乃至山居但人所處皆其例焉目見耳聞古制非一

黃帝二宅經地典宅經三元宅經文王宅經孔子宅經宅錦宅撓宅統宅鏡天老宅經劉根宅經元女宅經司馬天師宅經淮南子宅經王微宅經司最宅經劉晉平宅經張子毫宅經八卦宅經五兆宅經元悟宅經六十四卦宅經右盤龍宅經李淳風宅經五姓宅經呂才宅經飛陰亂伏宅經子夏金門宅經刁曇宅經 已上諸經其有大同小異皆自言祕妙互推短長若不遍求卽用之不足近

來學者多攻五姓八宅黃道白方例皆違犯大經未免灾咎所以人犯修動致令造者不居却毀陰陽而無據效豈不痛哉況先賢垂籍誠勸昭彰人自冥蒙日用而不識其象者日月乾坤寒暑雌雄晝夜陰陽等所以包羅萬象舉一千從運變無形而能化物大矣哉陰陽之理也經之陰者生化物情之母也陽者生化物情之父也作天地之祖爲孕育之尊順之則亨逆之則否何異公忠受爵違命變殃者乎今採諸祕驗分爲二十四路八卦九宮配男女之位宅陰陽之界考尋休咎並無出前二宅此實養生靈之聖法也

總論

二十四路者隨宅大小中院分四面作二十四路十干十二支乾艮坤巽共爲二十四路是也乾將

三男震坎艮悉屬於陽位坤將三女巽離兌悉屬於陰位是以陽不獨王以陰爲得

陽宅爲宜修陰方

陰不

獨王以陽爲得

如上說

亦如冬以溫暖爲德夏以涼冷爲德男以女爲德女以男爲德之義易訣云陰

得陽如暑得涼五姓咸和百事俱昌所以德位高壯藹密卽吉重陰重陽則凶陽宅更招東方北方

陰宅更招西方南方爲重也是東面爲辰南西面爲戌北之位斜分一條爲陰陽之界

凡之陽宅卽有陽氣抱陰陰宅卽有陰氣抱陽陰陽之宅者卽龍也陽宅龍頭在亥尾在巳陰宅龍頭在巳尾在亥各有命坐切忌犯也凡從巽向乾從午向子從坤向艮從酉向卯從戌向辰移 已上移轉及

上官所住不計遠近悉入陽也

從乾向巽從子向午從艮向坤從卯向西從辰向戌移 已上移轉及上官悉名入陰

故福德之方勤依天道天德月德生氣到其位卽修令清潔闊厚卽一家獲安榮華富貴再入陰入陽是名無氣三度重入陰陽謂之無魂四入謂之無魄魂魄既無卽家破逃散子孫絕後也若一陰陽往來卽合天道自然吉昌之象也設要重往卽須逐道住四十五日七十五日往之無咎仍宜生氣福德之方始吉更犯五鬼絕命刑禍者尤不利訣云行不得度不如復故斯之謂也又云其宅乃窮急翻故宮宜折刑禍方舍却益福德方也又云翻宅平牆可爲削殃夫辨宅者皆取移來方位不以街北街東爲陽街南街西爲陰凡移來不論遠近一里百里千里十步與百步同又此二宅修造唯看天道天德月德生氣到卽修之不避將軍太歲豹尾黃幡黑方及音姓宜忌順陰陽二氣爲正此諸神殺及五姓六十甲子皆從二氣而生列在方隅直一年公事故不爲災又云刑禍之方缺復

荒福德之方連接長吉也又云刑禍之方縮復縮猶恐災殃枉相逐福德之方拓復拓子子孫孫受榮樂又云宅有五虛令人貧耗五實令人富貴宅大人少一虛宅門大內小二虛墻院不完三虛井竈不處四虛宅地多屋少庭院廣五虛宅小人多一實宅大門小二實墻院完全三實宅小六畜多四實宅水溝東南流五實又云宅乃漸昌勿棄宮堂不衰莫移故爲受殃舍居就廣未必有歡計口半造必得壽考又云其田雖良薶鋤乃芳其宅雖善修移乃昌宅統云宅墓以象榮華之源得利者所作遂心失利者妄生反心墓凶宅吉子孫官祿墓吉宅凶子孫衣食不足墓宅俱吉子孫榮華墓宅俱凶子孫移鄉絕種先靈譴責地禍常併七世亡魂悲憂受苦子孫不立零落他鄉流轉如蓬客死河岸青烏子云其宅得墓二神漸護子孫祿位乃固得地得墓龍驤虎步物業滋川財集倉庫子孫忠孝天神佑助子夏云墓有四訣商角二姓丙壬乙辛宮羽徵三姓甲庚丁癸得地得宮刺史王公朱衣紫綬世貴名雄得地失宮有始無終先人受苦子孫當凶失地得宮子孫不窮雖無基業衣食過充失地失宮絕嗣無蹤行求衣食客死蒿蓬子夏云人因宅而立宅因人得存人宅相扶感通天地故不可獨信命也

凡修宅次第法

先修刑禍後修福德卽吉先修福德後修刑禍卽凶陰宅從已起功順轉陽宅從亥起功順轉刑禍方用一百工福德方用二百工壓之卽吉陽宅多修於外陰宅多修於內或者取子午分陰陽之界悞將甚也此是二氣潛通運廻之數不同八卦九宮分形列象配男女之位也其有長才深智慙物愛生敬曉斯門其利莫測且大犯卽家破逃散小犯則失爵亡官其餘雜犯火光口舌跛蹇偏枯衰殃疾病等萬般皆有豈得輕之哉犯處遠而慢卽半年一年二年三年始發犯處近而緊卽七十五日四十五日或不出月卽發若見此圖者自然悟會不問愚智福德自修災殃不犯官榮進達財食豐盈六畜獲安又歸天壽金玉之獻未足爲珍利濟之徒莫大於此可以家藏一本用誠子孫祕而寶之可名宅鏡又宅書云折故營新爻卜相伏移南徙北陰陽爻分是和陰陽者氣也逐爻得變吉凶者化也隨事能興故天地轉運無窮人畜鬼神變化何準搜神記云精靈鬼魅皆化爲人或者人自相感變爲妖怪亦如異姓之木接續而生根苗雖殊異味相雜形碍之物尙隨變通陰陽虛無豈爲常定是知宅非宅氣由移來以變之又云宅以形勢爲身體以泉水爲血脈以土地爲皮肉以草

木爲毛髮以舍屋爲衣服以門戶爲冠帶若得如斯是事儼雅乃爲上吉三元經云地善卽苗茂宅吉卽人榮又云人之福者喻如美貌之人宅之吉者如醜陋之子得好衣裳神彩尤添一半若命薄宅惡卽如醜人更又衣弊如何堪也故人之居宅大須慎擇又云修來路卽無不吉犯抵路未嘗安假如近從東來入此宅住後更修拓西方名抵路却修拓東方名來路餘方移轉及上官往來不計遠近准此爲例凡人婚嫁買莊田六畜致塋域上官求利等悉宜向宅福德方往來久久吉慶若爲刑禍方往來久久不利又忌龜頭廳在午地向北衝堂名曰凶亭有稍高豎屋亦不利訣云龜頭午必易主亦云防主諸院有之亦不吉凡宅午巳東巽巳來有高樓大榭皆不利宜去之吉又云凡欲修造動治須避四王神亦名帝車帝輅帝舍假如春三月東方爲青帝木王寅爲車卯爲輅辰爲舍卽是正月二月三月不得東戶經曰犯帝車殺父犯帝輅殺母犯帝舍殺子孫夏及秋冬三箇月倣此爲忌又云每年有十二月每月有生氣死氣之位但修月生氣之位者福來集月生氣與天道月德合其吉路犯月死氣之位爲有凶災也 正月生氣在子癸死氣在午丁二月生氣在丑艮死氣在未坤三月生氣在寅甲死氣在申庚四月生氣在卯乙死氣在酉辛五月生氣在辰巽死氣在

戊乾六月生氣在巳丙死氣在亥壬七月生氣在午丁死氣在子癸八月生氣在未坤死氣在丑艮
九月生氣在申庚死氣在寅甲十月生氣在酉辛死氣在卯乙十一月生氣在戌乾死氣在辰巽十
二月生氣在亥壬死氣在巳丙

凡修築建造土氣所衝之方人家卽有災殃宜禳之正月土氣

衝丁未方二月坤三月壬亥四月辛戌五月乾六月寅甲七月癸丑八月艮九月丙巳十月辰乙十

一月巽十二月申庚

以上無不精
詳但細看之

圖說

天門首陽宜平穩實不宜絕高壯犯之損家長大病頭項等災 五月丁壬日修吉北方不用壬子

丁巳日

亥為朱雀龍頭父命座犯者害命坐人

三月丁壬日修

壬為大禍母命犯之害命坐人有飛灾口舌

修巳子亥同

為死喪龍右手長子婦命座犯之害命坐人失魂傷目水灾口舌

修巳壬同

癸為罰獄勾陳次子婦命座

犯之害命坐人口舌鬪訟

七月丁壬日修三月亦通宮羽建不宜三月七月即吉日

丑為縣獄少子婦命座犯之鬼魅盜賊火光怪異等災

修巳癸同

鬼門宅壙氣缺薄空荒吉犯之偏枯淋

腫等災 八月甲己日修吉東方不用甲子日己巳日

寅為天刑龍背元武庶養子婦長女命座犯之傷胎繫獄被盜亡敗等灾

六月甲己日修角姓大

月凶十一月吉

甲為宅刑次女孫男等命座犯之害命坐人家長病頭項諸傷折等灾

修與寅同

卯龍右脇刑獄少女孫

命座犯之害命坐人火光氣滿刑傷失魂

修與寅同

乙螣蛇訟獄客命座犯之害命坐人妖怪死喪口舌

十月巳日修吉唯宜辰爲白虎龍右足主訟獄奴婢六畜命座犯之驚傷跛蹇筋急等災亦主驚恐修與乙同風門

宜平缺亦名福首背向榮二宅五姓八宅並不宜高壯壅塞亦名陽極陰十一月丙辛日修吉南

方不用丙子至辛巳日

巳天福宅屋亦名宅極經曰欲得職治宅極宜壯實修改吉九月丙辛修丙明堂宅福安門牛倉等舍經

云治明堂加官益祿大吉祥合家快活不可當修己巳同午吉昌之地龍左足經云治吉昌奴婢成行六

畜良宜平實忌高及龜頭廳修與巳同丁天倉經曰財耗亡治天倉宜倉庫六畜壯厚高拓吉正月戊辛日修未

天府高樓大舍牛羊奴婢居之大孳息倉厠利修與下同人門龍賜宜置牛馬廐其位欲開拓壅厚亦名

福囊重而兼實大吉二月乙庚日修申玉堂置牛羊屋主寶貝金玉之事壯實開拓吉經曰治玉堂財錢橫

來六畜肥強庚宅德安門宜置車屋鷄栖碓磴吉宜開拓連接壯闊淨潔吉修與申同酉大德龍左脇客

舍吉經曰治大德富貴資財成萬億亦名宅德宜宅主修與申同辛金匱天井宜置門及高樓大屋經曰

治金匱大富貴宜財百事吉四月乙庚日修戌地府青龍左手主三元宜子孫恆令清潔吉經曰青龍壯高

富貴雄豪外巽之位宜作園池竹簾設有舍屋宜平而薄外天德及玉堂之位宜開拓侵修令壯實

大吉經曰福德之方拓復拓子子孫孫受榮樂唯不得高樓重舍外天倉與天府之位不厭高壯樓舍安門倉庫牛舍及奴婢車屋並大吉外龍腹之位與內院並同安牛羊牢廠亦名福囊宜廣厚實吉外坤宜置馬廐吉安重滯之物及高樓等並大吉外玉堂之院宜作崇堂及郎君孫幼等院吉客廳廳卽有公客來若高壯侵拓及有大樹重屋等招金玉寶帛主印綬喜外大德宅位宜開拓勤修泥令新淨吉及作音樂飲會之事吉宜子孫婦女等院出貴人增財富貴德望遐振外金匱青龍兩位宜作庫藏倉窖吉高樓大舍宜財帛又宜子孫出豪貴婚連帝戚常令清淨連接叢林花木藹密

圖說

乾天門陰極陽首亦名背枯向榮其位舍屋連接長遠高壯闊實吉 五月丁壬日修吉北方不用

壬子丁巳日

亥爲天福龍尾宜置猪欄亦名宅極經云欲得職治宅極宜開拓吉 亥東三月丁壬日修吉宮羽

姓卽七月吉

壬宅福明堂宜置高樓大舍常令清淨及集學經史亦名印殿宮宜財祿修與亥同子吉昌龍左足宜置

牛屋經曰奴婢成行六畜良平實吉修與亥同癸天倉立門戶客舍軍厠吉經云財耗亡治天倉安六畜

開拓高厚七月丁壬日修吉丑天府高樓大舍牛羊奴婢居之大孳息倉厠並吉修與亥同辰鬼門龍腹德囊宜

厚實重吉缺薄卽貧窮 八月甲己日修吉東方不用甲子日

寅玉堂宜置車牛舍主寶貝金玉之事宜開拓經曰治玉堂錢財橫至六畜肥强大吉六月甲己日修吉甲

宅德安門宜置碓磴開拓連接壯觀吉清淨災殃自消修與寅同卯大德龍脅客舍經曰治大德富貴資

財成萬億亦名宅主主有德望修與寅同乙金匱天井宜置高樓大舍常令清淨勤修泥尤增喜慶卯巳南十

辰地府青龍左手三元宜子孫常宜清淨經曰青龍壯高富貴雄豪修與乙同巽風宜平穩不宜壅塞

亦名陽極陰前背榮向枯宜空缺通疎大吉 十一月丙辛日修吉南方不用丙子

巳朱雀龍頭父命座不宜置并犯害命坐人口舌飛禍吐血顛狂蛇畜作怪巳酉九月丙辛日修吉 丙大禍母

命不宜置門犯之害命坐人飛禍口舌修與巳同 午爲死喪長子婦命座犯之害命坐人失魂傷目心痛

火光口舌龍右手筋急修與巳同 丁罰獄勾陳次子婦命犯之坐人口舌鬪訟瘡病等灾午日酉用正月丙辛日修吉

未爲縣獄少子婦命座犯之害命坐人鬼魅火瘡靈盜賊刀兵流血六畜傷死家破逃散修與丁同 坤

人門女命座不宜置馬廐犯之偏枯淋腫等此地宜荒缺低薄吉二月乙庚日修 申天刑龍背庶子婦長女

命座犯之失魂病瘡刑傷牢獄氣滿火怪申北十二月乙庚修至酉吉 庚宅刑次女長孫命座不宜置門犯之害

命坐人病右脅口舌傷殘損墜修與甲同 酉刑獄龍右脅少女孫命座犯者害命坐人失魂刑獄氣滿火

怪修與申同 辛爲騰蛇訟獄客命犯之害命坐人口舌妖怪死喪灾起酉北至戌四戌白虎龍右足奴婢

六畜命座犯之足踉蹌蹇偏枯筋急修與辛同 外乾院與同院修造開拓令壯實高岡陵大樹並吉宜家

長延壽子孫榮祿不絕光映門族乾地廣闊外亥天福與宅極之鄉宜置大舍位次重疊深遠濃厚

吉與宅福明堂相連接壯實子孫聰明昌盛科名印綬大富貴外天倉宜高樓重舍倉廩庫藏奴婢
六畜等舍大孳息宜財帛五穀其位高潔開拓吉外天府宜闊壯子孫婦女居之大吉亦名富貴飽
溢之地遷職喜萬般悉有矣絕上外龍腹福之位宜穩實如山吉遠近連接大樹長岡不厭開拓吉
若低缺無屋舍卽貧薄不安外玉堂宜子婦卽富貴榮華子孫興達其位雄壯卽官職昇騰位至臺
省寶帛金玉不少若陷缺荒殘卽受貧薄流移他地外宅德宜作學習道藝功巧立成亦得名聞千
里四方來慕亦爲師統子孫居之有信懷才抱義壯勇無雙外天德金匱青龍此三神竝宜濃厚實
大舍高樓或有客廳卿相宴游過往一家富貴豪盛須賴三神尤宜開拓若冷薄荒缺敗陷卽貧窮
也外青龍不厭清潔焚香設座延迓賓朋高道奇人自然而至安井及水漬甚吉

九天元女青囊海角經 序

青囊內傳海角祕文浮黎正統鎮世鰲極八卦八門六甲天書始青之下囊括萬象赤明開國天發
祥光洞徹天地四極鰲布八方雲篆元女降質神通天地數徹幽明道遵河洛卦契乾坤首司庚甲
煥乎五行布兩間之樞紐掌四時之德刑明九萬七千六百之元氣一十二萬九千六百之元鈞生

成萬彙拱衛星辰濟大旱之霖雨禦虎賁之強兵人得之而生長國得之而太平家得之而豐盈悟

者游於神化不落幽冥死者歸於葬埋遺體受榮浮黎祖秘永鎮乾坤晉郭璞脩

按原本此下有兩序一宋張士元一

明吳元喬茲但錄其本叙餘不具載

太

無

始

氣

圖

